



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

28 c Romanus Abt in Leoner Landschaft.

**urn:nbn:de:hbz:466:1-41449**

## Februarius

stünd er drey Jar vnder einem Felsen/ bettet ohn vnder-  
laf/ saß nimmer/ sonder stünd auch schlaffend: am Son-  
tag empfieng er den zarten Fronleichnam vnfers H Er-  
ren JESV Christi/ vnnnd asse sonst nichts darneben:  
kondt auch die haimlichkeiten der Herzen erkennen/ vnd  
das güt vnd böß/ so die Brüder theten/ offenbaren: thet  
im Namen des Herren grosse Wunderzaichen/ wie auch  
der folgende Johannes.

Anno Dñi  
350.

Item noch eines andern heyligen Beichtigers Jo-  
hannis vnd Einsidels in der Wüsten Sutria/ so gnad-  
reich/ daß er ein setlichen betrübten vnnnd beschwerten  
Wenschen/ der zu ihm kam/ mit wenig worten trösten/  
vnd voll frewden machen kondt.

Item zu Rom/ der heyligen Märterer Alexandri/  
Abundiani/ Antigoni vnnnd Fortunati/ die alle Christ-  
lich vnder dem Kayser Diocletiano gestritten/ vnnnd die-  
weil sie in dem wahren Glauben harrten/ die Märter-  
kron von Gott erlanget haben/ wie auch in Africa thete  
S. Dionysius/ vnd andere 24. Märterer.

### e Pridie Calendas Martij. Der XXVIII. Tag im Hornung.

Anno Dñi  
530.

**I**n Leoner Landschaft/ ist heut die begräbnuß  
des heyligen Abts Romani/ der daselbst anfieng  
ein Einsidlich leben zufüren/ auch mit vilen Tu-  
genten vnd Wunderzaichen leuchtet/ ein Vatter vilen  
Münch gewesen.

Anno Dñi  
498.

Item zu Nauia/ die erhebung des heyligen Bi-  
schoffs Augustini. Dann als Hippon die Statt von  
den vnglaubigen eingenommen ward/ ist diser Leib  
im

im 62. Jar / nach desselben heyligen Bischoffs seligen  
abschid / in Sardiniam geführt / vnnnd nach dem dieselb  
Insel auch von den Saracenen eingenommen / ist der-  
selb Leib von Luitbrando der Longobarden König / vmb

Anno Dñi

718.

vñ Gilt kaufft / vnd gen Pavia bracht worden.

Item in Engeland / des heyligen Wigornienst-  
schen Bischoffs vnd Beichtigers Oswaldi.

Anno Dñi

980.

Item der heyligen Frawen vnd Märterin Sym-  
phronie.

Item der heyligen Juncfrawen vnnnd Märterin  
Pinnose.

Item selige Gedächtnuß / der Clausnerin Luit-  
burge.

Item in Egypten / des heyligen Einsidels vnnnd  
Beichtigers Macharij / welcher in der Wüsten Nitria  
mit sampt Isidoro / Heraclide vnd Pambone / Gottse-  
liglich lebten / zur zeit des grossen Kayfers Valentinia-  
ni / ein rechter Jünger des heyligen Anthonij / auch der  
dritt diß Namens / ist ein Löwin mit ihren jungen von  
ihm zam gemacht worden.

Item zu Rom / der heyligen Märterer Celerij /  
Pupili / Claudiant / Justi / Macharij vnnnd Nicaphori /  
welche allein der Diocletianschen verfolgung / ihr Blut  
vmb Christi willen vergossen. Vnd zum ewigen Leben  
durch das zeitlich leyden kommen seind. Noch zu Rom /  
der heyligen Römischen Juncfrawen vnnnd Märterin  
Salbina / welche so wol der Märterer / als der Junc-  
frawen Kräncklein / mit ihrem dapfferen Kampffer-  
raichet hat.

Item des H. Abts Eubicini / der vnder andern Christ-  
lichen Tugenden mit wunderbarlicher Abstinenz / vnd  
löblichem abbruch im essen vnnnd trincken gezieret war.